

立杜賣盡根水田山林埔地契字人張娘送，同叔華秀。承父陳秀遺下鬮分應得水田山林壹處，坐落土名三洽水南坑庄中肚南片，東至李春貴毗連小壩；直透山頂天水流落爲界，南至金山頂龍良；直透山頂天流內爲界，北至大坑水爲界，西至林有恩毗連小壩；透上坎眉爲界，其餘山田界址悉載鬮書內註明，原帶本坑坡水通流灌溉，遞年應納大租穀憑市斗貳石肆斗正，永爲定例。茲送叔姪抵因別創乏銀應用，即將此田山林出賣與人，儘問房親人等俱各不受，外托中引就與李成庚出首承買，當日憑中三面言定，庚備出依時值盡根田價契面佛銀壹百玖拾叁員正，即日立契色現經中銀契兩相交清足訖，中間並無債貨準折短少等請。其業隨即經中照界沿踏分明，界內所有徹底暨盡赴交與庚前去掌管，永遠爲業。此田價極業盡，一賣千休，永斷葛藤，日後送、華及子孫人等永不敢異言贈價、找洗等情。保此業委係送承父鬮分應得之業，與房親人等無干，亦無重張典掛物業爲碍，如有上手來歷不明，係送叔姪一力抵當，不干承買人之事。此係二比甘愿，兩無反悔，口恐無憑，立杜賣盡根水田山林埔地契字一紙，帶分鬮一紙，又帶印契一紙，又帶上手老契式紙，共伍紙，付執爲炤。

批明：即日送華寔收到契面田價佛銀壹百玖拾叁員正足訖。批炤。

再批明：分鬮內抽出北片茅屋、地基、禾埕、菜園、風圍、竹木等項，係華居住掌管，永爲己業，批炤。

張興壽

邱文芳

在場 張寶興

阿來

知見母 李氏

說合中黃明庚

帶筆人張薰華

知見

道光參拾年庚戌歲十一月

日立杜賣盡根水田林埔地契字人張娘送

華秀